

Maqaalee Rabbii Keessaa Muraasa-Kutaa 3

Description

Galannii fi Faaruun hundi Rabbii kitaaba gabricha Isaa irratti buusee fi kitaabicha keessatti jallinna wayitu kan hin godhiniiti. Galanni fi faaruun hundi Qurâ€™aana ibsaa jirenyaa namoonni itti qajeelanii fi dukkana keessaa itti bahan Rabbii taasiseef haa taâ€™uu. Ibsaa kana keessaa tokko namoonni Gooftaa ofii beekuudha. Osoo Qurâ€™aanni buâ€™uu baate silaa namoonni akkamitti Gooftaa isaan uumee fi kunuunsu beekanii? Kanaafi, namoonni Qurâ€™aana irraa garagalan dukkana kufrii keessa jiraatu. Namni dukkana fi rakkoo jirenyaa keessaa bahuu fedhe, Rabbiin sirritti beekuuf haa carraaqu. Namni Rabbii ofii beeku barbaade, Qurâ€™aana haa ilaalu. Qurâ€™aanni haala gaarii fi ifa taâ€™een waaâ€™ee Rabbii ilaachise ibsa. Wal-diiggaa fi wanti nama dhamaasu isa keessatti hin argamu. Harâ€™as itti fufuun mee maqaalee Rabbii muraasa haa ilaallu.

Al-Malik (Mootii)

Imaam ibn Al-Qayyiim (rahimahullahu) akkana jedha: "Al-Malik (mootii)- jechuun Kan ajaju, Kan dhoowwu, kan jabeessu, kan salphisudha. Akkasumas, Kan dhimmoota gabroota Isaa akka fedhetti jijiiruu fi gaggaragalchuudha. Rabbiin Al-Malik (Mootiidha)- jechuun Kan ajajuu fi dhoowwu, kan mindaa kennuu fi adabu, kan salphisuu fi kabaju, kan jabeessu fi xiqqeessu Isa jechuudha." [1] (ilaali suuratu Ali imraan 3:26)



â€œSila namni akkanumatti dhijfamu yaadaa?â€ suuratu Al-Oivaamaa 75:36

Imaamu Shaafiâ€™iin aayaa tana ilaachisee ni jedha: Kan hin ajajamnee fi kan hin dhoowwamne taâ€™ee akkanumatti kan hafuu [taâ€™uu isaa yaadaa?], Aalimni biraasakkana jedhe, â€œWanta gaarii fi badaa hojjateef jazaa hin argatu, hin mindeefamu, hin adabamu taâ€™uu isaa yaadaa?â€ Himooni lamaan kan wal qabataniidha. Imaamu Shaafiâ€™iin mindaa fi adabbiif wanta sababa taâ€™e dubbate. Sababni kunis, ajajuu fi dhoowwudha. Aalimni lammataa immoo kaayyoo ajajuu fi dhoowwu dubbate. Innis mindeessuu fi edhuudha.

Kanaafu, Rabbiin ilmaan namaa wanta tokko akka hojjatan ni ajaja, wanta tokko irraa ni dhoowwa. Dhumarratti, nama ajaja Isaa fudhatee hordofe ni badhaasa ykn mindaa kennaaf, nama dide immoo ni adaba. Kana irraa kan kaâ€™e, Ergamtoota erge, kitaabban buuse, daaâ€™iwwan uummata keessa facaase. Wanta ilmaan namaa hojjachuu fi dhiisu qaban kitaabban buusun ifa taasise. Akkasumas,

badhaasa nama ajaja Isaa fudhatee fi adabbii nama Isa dide kitaabban keessatti ni tarreesse. Kuni sifaata (amaloota) mootiiti.

١١٥

أَفَحَسِبْتُمْ أَنَّمَا خَلَقْنَاكُمْ عَبَثًا وَأَنَّكُمْ إِلَيْنَا لَا تُرْجِعُونَ

â€œSila Nuti taphumaaf waan isin uumnee fi gara Keenyatti kan hin deebifamne taâ€™uu ni yaaddu?

فَتَعَالَى اللَّهُ الْمَلِكُ الْحَقُّ لَا إِلَهَ إِلَّا هُوَ رَبُّ الْعَرْشِ

١١٦

الْكَرِيمُ

Rabbiin Mootii haqaa taâ€™e oltaâ€™e. Isa malee Kan haqaan gabbaramu hin jiru. Inni Gooftaa Arshii kabajamaati.â€ Suuratu Al-Muâ€™minuun 23:115-116

Yaa namoota â€œNuti taphumaaf waan isin uumneâ€ yaaddu?â€ kana jechuun akkanumatti fi sobaan waan isin uumne seetu (yaaddu)? Ni nyaattu, ni dhugdu, ni bashannantu, faaydaa addunyaatti ni fayyadamtu, ergasii osoo isin hin ajajinii fi hin dhoowwin, hin mindeessinii fi hin adabin akkanumatti isin ni dhiisnaa? Kanaafakkana jedhe, â€œgara Keenyatti kan hin deebifamne taâ€™uu yaaddu? (Kana jechuun â€œGanda Aakhira keessatti gara Keenyatti hin deebifamnu.â€ jettanii ni yaaddu?) â€œRabbiin Mootii haqaa taâ€™e oltaâ€™eâ€ kana jechuun yaada sobaa kanarraa Rabbiin guddate, oltaâ€™e, qulqullaâ€™e. Yaanni sobaa kuni hikmaa (ogummaa) Rabbiin kan wal faallessudha. Akkamitti Rabbiin wanta tokko umee ergasii akkanumatti dhiisaa? Namoota badii garmalee hojjatan osoo hin adabin, namoota hojji gaggaarii halkanii guyyaa hojjatan osoo hin badhaasin akkanumatti ni dhiisaa? Lamuu kaafamuu amanuuf haala umama ofii ilaalun ni dandaâ€™ama. Bishaan cobaa san irraa nama lafee fi fooniin guuttame Kan umee akkamitti lamuu deebisee uumuun isa dhibaa?

Rabbiin Mootii haqaa taâ€™e oltaâ€™ee Isa malee kan haqaan gabbaramu hin jiru.â€ Uumamtoota hundaaf Mootii haqaa taâ€™uun Isaa dubbii Isaa keessatti, waadaa fi akeekachisaa Isaa keessatti Inni haqa taâ€™uu Isaa agarsiisa. (Kana jechuun dubbiin Inni dubbatu dhugaa sobaan walitti hin makamneedha. Waadaan Inni warroota amananii fi hojji gaggaarii hojjataniif seene haqa. Akeekachisni (adabbiin) Inni warroota kafaranii fi hojji badaa hojjataniif seene haqa.) Gama hundaan Guutuu waan taâ€™eef haqaan gabbaramuun kan qabu Isa. â€œInni Gooftaa Arshii kabajamaati.â€ [4]

Hubannooâ€“ Mootiin Haqaa Rabbiin malee hin jiru. Ilmi namaa mootii taâ€™uu dandaâ€™a. Garuu mootummaan isaa hanquu, biyyaa fi yeroo murtaaâ€™atti kan daangefameedha. Garuu Mootummaan Rabbii samii, dachii fi wantoota isaan keessa jiran hunda kan haguugudha. Inni yeroo hundaa Mootiidha. Ni ajaja, ni dhoowwa, nama gaarii hojjate ni badhaasa, nama badaa hojjate karaa adda addaatiin ni adaba. Nama fedhe ni kabaja, nama fedhe ni salphisa. Nama fedhe ni jabeessa nama fedhe ni xiqqeessa. Wanti guddaan Rabbiin Mootii taâ€™uu irraa barannu, Rabbiin akkuma jalqaba nu uume, Kan nu ajaju fi dhoowwu, kan nu mindeessu fi adabu, kan dhimmoota keenya akka fedhetti jijjiruu Isa. Kana yoo beekne addunyaa tana keessatti akka horii akka hin jiraanne nu taasisa. Kana jechuun adabbii Rabbii jalaa bahuu fi badhaasa Isaa argachuuf hojji gaarii ni hojjanna, hojji badaa irraa immoo ni dheessina. Rabbiin dhumarratti hojji keenyaf nu badhaasa ykn nu adaba jennee waan amannuuf.

Ash-Shahiid (Ragaa Bahaa)

Maqaalee gaggaarii Rabbii keessaa tokko Ash-Shahiid. Ash-Shahiid jechuun wantoota hundaa irratti ragaa kan bahu, kan arguu, kan beeku fi homtuu Isarraa kan hin dhokanneedha. Maqaan kuni kan nutti agarsiisu, wanti ija namaatti hin mulâ€™anne, Rabbitti ni mulâ€™ata. Dachii fi samii keessatti wanti Isa jalaa dhokatuu fi miliqaa waan hin jirreef.[1][2]

Shahaadan (ragaa bahuun) sadarkaalee afur qaba.

- Isaanis:
1. Beekumsa fi baruu- wanta ragaa irratti bahan beeku fi dhugaa taâ€™uu isaa mirkaneessu. Rabbiin subhaanahu wa taâ€™aalaa wanta hundaa waan beekuf wanta hundaa irratti ragaa baha.
 2. Sadarkaan 2ffaa shahaada- wanta beeke san dubbachuu. Namoota birootti osoo beeksisu baateyyu nafsee ofii keessatti wanta argee fi beeke ni dubbata.
 3. Wanta ragaa bahee ykn argee namoota birootti beeksisu, ifa baasu fi ibsuudha. Kuni gosa lama qaba. Gochaan beeksisu fi dubbiin beeksisu. Rabbiin subhaanahu wa taâ€™aalaa jiraachu fi Tokkicha taâ€™uu Isaa gochaa fi dubbiin beeksisee jira. Gochaan yommuu jennu hojii hojjatuun. Samii, dachii fi wantoota isaan keessa jiran uumun, qindeessu fi tooâ€™achuun gochaan agarsiise fi beeksise jira. Kuni jiraachu fi Tokkicha taâ€™uu Isaa wanta ragaa bahuudha. 2ffaa Kitaabban buusun dubbiidhaan ilma namaatti beeksise jira.
 4. Itti ajajuu fi hojii irra akka oolchu qabsiisu- Rabbiin Tokkicha taâ€™uu fi Isa malee gabbaramaan dhugaa akka hin jirree ragaa bahee jira. Akkasumas, ilma namaatti beeksisee jira. Wanta beeksisee kana hojii irra akka oolchan itti ajaja. Kana jechuun Isa qofa akka gabbaran ni ajaja, wanta biraa gabbaruu irraa ni dhoowwa.[3]

Rabbitiin subhaanahu wantoota hundaa irratti ragaa baha. Rabbitiin ni jedha:

â€œGuyyaa Rabbitiin hunda isaanii kaasee waan isaan hojjatan isaanitti himu [yaadadhu]. Isaan kan dagatan taâ€™anii Rabbitiin beekee galmeesseera. Rabbitiin waan hundaa irratti ragaa bahaadha.â€ Suuratu Al-Mujaadilah:6

Rabbitiin Ash-Shahiid (wantoota hunda irratti ragaa kan bahu) taâ€™uu yoo amanne, hojii gaarii akka hojjannuu fi hojii badaa irraa akka of qusannu nu taasisa. Hojiin gaariin keenya Rabbitiin biratti kan hin banne taâ€™uu abdachuu hojii gaarii dabalataa hojjachuuf ni carraaqna.

Rabbitiin subhaanahu wa taâ€™aalaa ni jedha:

وَمَا تَكُونُ فِي شَاءٍ وَمَا نَتْلُوا مِنْهُ مِنْ قُرْءَانٍ وَلَا تَعْمَلُونَ مِنْ عَمَلٍ إِلَّا
 كُنَّا عَلَيْكُمْ شُهُودًا إِذْ تُفِيضُونَ فِيهِ وَمَا يَعْزِبُ عَنْ رَبِّكَ مِنْ
 مِثْقَالِ ذَرَّةٍ فِي الْأَرْضِ وَلَا فِي السَّمَاءِ وَلَا أَصْغَرَ مِنْ ذَلِكَ وَلَا أَكْبَرَ
 إِلَّا فِي كِتَابٍ مُّبِينٍ ۖ ۱۱

Haala kamillee keessatti hin taatu, Qurâ€™aana irraas hin dubbiftu, dalagaan irraa waan tokkos hin hojjattan, yeroo isin isatti seentan, Nuti isin irratti ragaa taanu malee hin hafu. Wanti hanga atomii dachii keessattis taâ€™ee, samii keessatti Rabbii kee jalaa hin miliqu (hin dhokatu). Wanti san irra xiqqaas taâ€™ee guddaan kitaaba addeessaa taâ€™e keessatti jiraatu malee hin hafuâ€™ Suuratu Yuunus 10:61

Rabbiin subhaanahu wa taâ€™aalaa sochii fi taaaâ€™umsaa gabroota keessatti haala isaanii hunda akka arguu, beeku fi ragaa irratti bahuu ni beeksisa. Dhimma addunyaas taâ€™ii Aakhira, â€œHaala kamillee keessatti hin taatuâ€™ Rabbiin kan ragaa irratti bahuu ykn arguu yoo taâ€™e malee. Haala kamiyyuu keessatti yoo taate, Inni si arga. Qurâ€™aana irraas hanga taâ€™e hin qaraatu Rabbiin kan irratti ragaa bahu yoo taâ€™ee malee. Wanta Qurâ€™aana irraa hamma taâ€™e qaraatu Rabbiin ni arga, ni beeka. Hojii irraa guddaas taâ€™i xiqqaas, gaariis taâ€™ii badaa yommuu hojjachuu jalqabdaani fi itti fuftan, Rabbiin hojii san irratti ragaa bahaadha. Kana jechuun ni ilaala, ni beeka. Kanaafu, hojiawaan keessan keessatti Rabbiin ofirratti eegaa. Wanta Rabbiin jibuu isin irraa arguu irraa of eeggadhaa. Inni isin kan arguu fi keessaa fi ala keessan kan beeku waan taâ€™eef.[4]

Guduunfaa

â™ Al-Malik (Mootiin) kan ajajuu, dhoowwu, gaarii kan hojjateef kan badhaasu, badaa kan hojjateef kan adabuudha.

â™ Rabbiin Mootii haqaati. Akkuma ilmaan namaa uume, hojii gaaritti ni ajaja, hojii badaa irraa ni dhoowwa. Nama ajaja Isaa tolee jedheef mindaa gaarii qopheesee, nama ajaja isaa dide immoo adabbii cimaa qopheesee jira.

â™ Rabbiin ilmaan namaa akkanumatti uumee kan dhiisu miti. Guyyaa Qiyaamaa ilmaan namaa hundii gara Isaatti deebifamuun wanta hojjataa turaniif ni qoratamu. Namni amanee fi gaarii hojjate gara Jannata, namni kafaree fi badaa hojjatee gara Jahannam deema.

â™ Rabbiin wantoota hunda irratti ragaa bahaadha. Wanta tokko irratti ragaa bahuun wanta san sirritti beeku fi dhugaa taâ€™uu mirkaneessu, dubbachuu, beeksisu fi itti ajajuu ykn hojii irra oolchu of keessatti qabata.

â™ Rabbiin haala ilmaan namaatii fi wantoota isaan hojjatan hunda irratti ragaa bahaadha. Kana jechuun ni beeka, ni arga yoo barbaachisaa taâ€™e immoo ni beeksise. Fakkeenyaf, yeroo Qurâ€™aanni buâ€™uu wanta munaafiqonni fi kaafiroonni dhoksaa fi halkaniin hojjataa turan ifaa baase jira. Wanta badaa isaan yaadan ifa godha. Guyyaa Qiyaamaas wanta namoonni hojjataa turan ifa baasa, isaanitti ni beeksiisa.

â™¢Namni kamiyyuu â€œkophaa jiraa wanta fedhee yoo hojjadhe kan na argu hin jiruâ€¢jechuun of gowwoomsu hin qabu. Isaa ol Rabbii isarratti ragaa bahutu jira.

Kitaab bilee Wabii

- [1] Sharih Ibn Al-Qayyim li asmaaâ€™il husnaa-fuula 46, 118
- [2] In The Company of God â€“ fuula 157
- [3] Bidaaâ€™u Tafsiir-1/217-220, Imaamu ibn Al-Qayyim
- [4]Taysiral Kariimul Rahmaani fii tafsiiri Kalaamil Mannaaniâ€“Abdurahmaan Naasir Saâ€™dii-Daarus salaam

Date Created

August 3, 2018

Author

admin